

Xurree Milkaaâ€™inna fi Gammachuu-Lakk.6

Description

Yoo nama hundaa ija shakkiitin ilaalte, mataa keeti fi namoota biroo miita. Yaadota hin barbaachisneen sammuu fi yeroo kee gubda, boqonnaa sammuu dhabda. Tarkaanfi isaa/ishii guutu akka hordoftuu of goota. Karaa biraatin, shakkii kee irratti hundaaâ€™un yoo nama san irratti tarkaanfi fudhatte bololiâ€™a gaabbi fi gaddaa keessa jiraatta. Kanaafu, shakkii fi jette jette namni sitti fidu of eeggadhu. â€˜Osoo hin guutatin hin gugatinâ€™ jedhe Oromon. Gugatun dura dhugaa fi soba taâ€™uu isaa addaan baafadhu boodarra rakkoo guddaa keessa galtaati.

â€œCubbuu/badii kee mata duree taphaa fi kan itti boontu hin godhin. Rabbiin osoo sii haguuge jiru â€˜Ani halkan edaa wanta akkanaa raawwataa tureâ€™ jechuun namatti hin odeessin. Kana irra gara Rabbii deebiâ€™i araarama kadhu. Nama cubbuu ofiit in boonu caalaa namni badaa fi fafeen ni jiraat sila?

â€œYommuu namtichi taqwaa horatu, qullaa sammuuti fi qaama ofii haguuga.â€¢Akka Qurâ€™aana keessatti eerametti uffanni hundaacaalu uffata taqwaati (7:26). Yommuu taqwaan qalbii keessatti hidda qabatuu, namtichi cubbuu raawwachuu fi qullaa deemu irraa ni saalfata (ni saalfatti). Abdurahman Ibn Aslam akka jedhanitti,â€™Namtichi yommuu Rabbiin sodaatu, qullaa ofii ni uwvisa(haguuga). Kanaafu uffata taqwaatin of haguuga.â€¢ Yommuu sammuun taqwaa irraa qullaa taatu, qaamni akkamitti haguugamaa? Sheyxanni fi deegartoonni isaa taqwaa (sodaa Rabbii) qalbii irraa haaqun, ilma namaa akka hori taasisu fedhan. Wantaa qaani jedhamu akka hin qabaanne fi amala horiit in akka wal qixxaatu fedhan. Kanaafu shiraa fi dhara isaani hubachuun irraa dheessu qabna.

Al-Hasan akkana jedhe â€œYaa ilma Aadam cubbuu boodarra towbaan fayyisuu irra, isarrraa fagaachun siif salphaadha. Balballi towbaa sirratti cufamuun duratti hojii garmalee fokkuu taâ€™ee akka hin hojjanne akkamitti mirkaneefachu dandeessaa?â€¢

Dhugumatti akkuma vaayrasin qaama namaa ajjeessu, cubbuunis sammuu namaa ajjeesa. Uumama namaa sirrii diigun tartiiba dhabsiisa, namtichi boqonnaa sammuu fi tasgabbii akka hin arganne taasisa. Sababa cubbuutin/dilliit in qalbiin ni gogdi, gurri ni duuda, ijji ni jaamti. Namtichatti baâ€™aa taâ€™u. Karaan hundarra gaarii cubbuu itti fayyisan towbaa dhugaa towbachuu, araarama Rabbiraa kadhachuu fi hojii gaarii baayâ€™isanii hojjachuudha. Yommuu towban dhugaan, araaramni fi hojii gaggaarin walitti makaman madaa cubbuun uumame ni fayyisu, cubbuu ni haaqu. Uumama namaa sirrii fi tasgabbii dhabame ture ni deebisu. Kanaafu cubbuu yommuu raawwattu gara towbaa, araarama kadhachuu fi hojii gaarii hojjachuutti fiigi Insha Allah yeroo san gammachuu fi tasgabbii argattaati.

Karaale sheyxanni itti nama gowwomsuu

â€œSheytaanni nama Rabbiin gabbaru (aabida) karaa lamaan gowwomsee karaa qajeela irraa jallisa. Tokkoffaa, **hojii gaggaari isaa akka gaara ol guddisuun itti mulâ€™isa** Hojii badaa isaa immoo akka

dagatu taasisa. Of dinqisifachuu (ujb) itti afuufa. Ergasi gabrichi kuni hojii gaggaari ofiitin boona, namoota biroo gadii xiqqeessa. Gabrichi kuni shira (tooftaa) sheytaana kana yeroon beeke tooâ€™achuuf yoo hin tattaafatin sheyxanni salphatti isa tooâ€™ata. Inuma hojii badaa hojjatu hojii gaarii itti fakkeessa. Seena keessatti haala kanaan namoota baayâ€™ee akka sobe mee ilaali. Osoo akka fakkeenyatti kawarijota fudhanne, isaan aabidota (warra Rabbiin gabbaran) turan. Garuu sahaabota gurguddoo Ergamaa Rabbii(SAW) fi Muslimoota ajjeesa turan. Kanaafu yommuu sheyxanni karaa kanaan sitti dhufu (ujb fi namoota gadii xiqqeessu fi tufachuun yommuu sitti dhagahamu), sheyxana Rabbiitti mangafadhu, akka isaarra Rabbiin si tiks duâ€™aayi godhi, hojii gaarii kee caalaa hojii badaa kee yaadadhu, beekumsa barbaadi.

Karaan lamaffaan immoo yommuu gabrichi dogongora ykn cubbuu raawwatu, sheyxanni abdii akka kutuu fi cubbutti daran akka gadi lixu isa godha. Kanaafu yommuu dogongora ykn cubbuu raawwatu abdii kutuu osoo hin taâ€™in dafii towbadhu, araarama Rabbiin irraa kadhu. Towbaa fi istigfaarri(araaramni) cubbuu keetif qoricha taâ€™u, madaa kee ni fayyisu.

Salaata keessatti kushuuâ€™a hin qabu, duâ€™ayin tiyya hin qeefalamtu jechuun salaata hin dhiisin. Akkuma kushuuâ€™a horachuuf carraaqxun akkasuma kushuuâ€™atti dhiyaacha adeemta. Kushuuâ€™uni adeemsaa fi qabsaa keessa argama. Harâ€™a salaata kee irratti xiyyefachuuf kaate garuu yaada guutun osoo hin salaatin hafte. Keessi kee akka waan hin salaatinitti sitti dhagahamu dandaâ€™a. Kushuuâ€™a fi xiyyefannon salaatiif qabsaa cimaa taasisi. Abdii hin kutin. Adda salaatu irra jamaâ€™aan salaati. Yommuu azaanni bahuu elektrooniks ykn wanta hojjattu achi dhiisiti gara waamicha (azaana) fiigi. Duâ€™aayin tee sababa qabdi tan hin deebifamneef. Hin muddamiini obsi. Obsaa fi qabsaa keessa guyyaa tokko kushuuâ€™a ni horatta, duâ€™aayin tee ni qeefalamti, salaata irraa tasgabbii fi miâ€™aa argatta.

Salaata hin dhiisin hadaraa!!!!!!

Warroota badii raawwatan ilaalun osoo anillee akka isaani taâ€™ee jechuun hin hawwin. Akkuma wanta baddaa fi fokkuuf hawwitu akkasuma itti harkifamaa adeemta. Fuggisoo kanaa akkuma wanta baddaa fi fokkuu jibbituun akkasuma irraa fagaata adeemta. Fakkeenyaf yommuu dubartii fi dhiirri hariiro haraamatin harka wal qabtanii yaaâ€™an argitu, â€˜Ah osoo anilleakkana taâ€™ee!â€™ hin jedhin. Kana irraakkana jedhi, â€˜Alhamdulillah Rabbii kanarrraa na baraare galanni fi faarun hundi Isaaf haa taâ€™u. Osoo akka isaani kana taâ€™ee silaa badee mitii. Gammachuun fi tasgabbii eessaa argadhaa! Yaa Rabbii kanarrraa na eegi. Alhamdulillah.â€˜ jedhi. Haala kanaan gammachuun fi tasgabbii argatta. Haraama irraa gonkumaa gammachuun dhugaa hin argamu gaabbi fi gadda malee.

Yommuu jaalalli Rabbii qalbii qabatu, jireenyi tartiiba horatti, gammachuun fi sakiina qabaatti. Yoo jaalalli Rabbii qalbii keessa hin jiraatin immoo qalbiin jaalala wantoota biraatin miidhamti. Nageenya fi tasgabbii dhabdi. Jaalala Rabbii dabaluuf Kitaaba Isaa (Qurâ€™aana) hubachuu fi hojii irra oolchuuf carraaqi, qananii sIRRATTI oole yaadachun galata galchi. Akkuma qananii Isaa yaadachuu galata galchituun jaalalli Isaa siif dabalamaa adeema.

Ganama ganama Qurâ€™aana dubbisuu bartee godhadhu Qurâ€™aana qaraâ€™uun sammuu qara, qalbii gogde jiisa, jirenyaa ibsa, abdii fi gammachuun namaaf laata. Nama jaallate ykn jallatuuf hedu karatti deebisa, nama abdii kutee ykn kutuuf hedu onnachiisa, ni jajjabeessa. Shakkii, munaafiqummaa fi dhibeewan biroo qalbii irraa qulqulleessa. â€œRabbitiin Qurâ€™aana kanaan nama kabaja yookiin ni

salphisa.â€ Nama Qurâ€™aana dubbisuu fi itti bulu ni kabaja. Namoonni nama akkana ni kabaju, ni jaallatu. Kan hin dubbisnee fi itti hin bulle immoo ni salphisa. Namtichi Qurâ€™aana hin dubbisne salphatti badiif saaxilama, dandeetti fi obsii wanta badaa ofirraa dhiibu baayâ€™ee dadhabaadha.

Yoo nama sodaatte cubbuu dhiiste carraan cubbuu irraa obsuu kee baayâ€™ee xiqqaadha. Sababni isaas namoonni iddo dhoktaatti si arguu hin dandaâ€™an. Garuu sodaa Rabbii irraa kan kaâ€™e yoo cubbuu dhiiste carraan cubbuu irraa obsuu kee baayâ€™ee guddaadha. Sababni isaas bakka kamuu yommuu deemtu Rabbiin akka si argu ofirratti beekta. Sababa sodaa Rabbiit dhoksaa fi ifatti cubbuu dhiista. Ergasi boqonnaa sammuu fi gammachuu ni argatta.

Sababa tokko malee yoo abdii kuttu,dhiphattu,gammachuu dhabdu, yaaddoftu, nuffitu, dheekkamtu, fi kkf , kunniin firiwwan cubbuu ati hojjatte akka taâ€™an beeki. Kanaafu, of gamaggammuun cubbuuwwan/diliwwan sanniin irraa of qulqulleessuf carraaqi. Towbaa fi hojii gaggaarin isaan haxaawi.

Milkaaâ€™inna fi gammachuu jirenyaa keessatti yoo barbaadde abbaa haadha keeti ajajami.

Namoota meeqatu milkaaâ€™inna irraadeebiâ€™a isa bira gahuuf xiqloon osoo hafu. Namoonni gariin carraaqani carraaqanii moggoo milkaaâ€™inna irra gahuuf yoo hedan duubatti mucucaatan. Sababni kanaa inni guddaan maaliidha? Hojii tokko yoo jalqabnu fedhii fi nashaaxaa guddaan jalqabna. Firii wanta hojjannuu battalumatti arguuf muddamna. Akkuma hojii keenya itti fufnuun rakkoo fi ulfaatinna hedduu argaa waan deemnuuf fedhiin keenya hirâ€™ataa adeema. Akka nu yaanneti taâ€™uu yoo baate dheekkamsi(frustration (bisichit)) wanti jedhamuus dhufaa adeema. Kanarrraa baraaramuuuf duraan dursinee adeemsa keenya keessatti hadhaa fi miâ€™aan akka jiru of amansiisu qabna. Hadhaa fi rakkinnna booda miâ€™aa fi toltoon dhufuu akka dandaâ€™u beeku qabna. Wanti guddaan immoo abdii kutuu dhiisu, jarjaruu dhiisu, obsuu fi dheekkamsa(frustration) tooâ€™achu qabna. Jireenyi keenyi akka nu yaannetti osoo hin taâ€™in akka hojii keenyatti suuta suutan tan jijiramtuu beekudha. Itti gaafatamummaan guddaan keenya wanta yaanne guutuu bakkaan gahuuf osoo hin taâ€™in kaayyoo keenya galmaan gahuuf guyyaa guyyaan carraaqi addaan hin cinnee fi hanga humni keenya dandaâ€™u gochuudha. Wanta darbeef booyu fi wanta dhufuuf dhiphachuu dhiiste milkaaâ€™uf harâ€™a siritti hojjadhu,carraaqi hanga humni kee dandaâ€™e.

Jireenyi rakkinnaa fi laafinna of keessatti tan hammatteedha. Yommuu rakkinni si qunnamu abdii hin kutin, kana irra obsii Rabbirraa rahmata abdadhu. Yommuu laafinna/toltuu keessa jirtu immoo Rabbii rakkinnna keessaa si baase hin irraanfatin,daangaa Isaa hin darbin. Jirenyaa toltoon kee keessaa maxxansa (version) isa jabaa/cimaa mataa keeti taâ€™uuf carraaqi.

Qurâ€™aana

Yommuu karaa badde gara Qurâ€™aana deebiâ€™i ni qajeelfamtaati. Yommuu haala xaxamaa fi shakkii keessa taate,gara Qurâ€™aana deebiâ€™i xaxama kanaa fi shakkii irraa bilisa taatati. Yommuu abdi kuttu fi jajabeenya dhabdu gara Qurâ€™aana deebiâ€™i burqaa abdii fi jajabeenya isa keessatti ni argitaati. Dhugumatti Qurâ€™aanni kitaaba fakkaata wayitu hin qabnedha. Sirna dubbii adda taâ€™ee fi nama hawwatun qalbii namaa tuqa. Ilmi namaa kitaaba akkanaa qopheessu irratti humna wayitu hin qaban. Qurâ€™aanni burqaa gammachuu fi qajeelfamaati. Namni Qurâ€™aana hubannaan dubbisuu dhugumatti gammachuu dhugaa/sirrii dhugaa jira. Kanaafu maaliif Qurâ€™aana dhiisne gammachuu fi beekumsa bakka biraa barbaannaa? Qalbii kee keessatti yaada yookiin kitaaba kamifuu Qurâ€™aana

caalaa gatii hin kenniin, Qurâ€™aana gatii guddaa fi iddo jalqabaa kenni.

Jirenyaa garmalee qaalii taâ€™e jiraachuf hin dharraâ€™in. Akkuma jirenyaa garmalee qaalii taâ€™e jiraachuf dharraatun akkasuma gammachu dhabda. Jirenyaa salphaa fi laafaa taâ€™etti gammadi,quufi.

Hiriyyaan kee madda gaabbi laalessaa yookiin immoo sababa milkaaâ€™inna siif taâ€™uu dandaâ€™a. Kanaafu eenyun waliin akka hiriyyoomaa jirtu sirritti ilaali. Hiriyyaan kee nama wanta gadhetti si harkisuu moo wanta gaariitti si dhiibu?

Hanqinnaa fi dogongora namoota barbaadun yoo of koâ€™oomsite of jijiruu hin dandeessu. Namni hanqinna namoota barbaaduu waliin koâ€™oomu kan ofii hin argu/argitu. Kanaafu, yoo jijjirama barbaadde hanqinna kee waliin koâ€™oomu fi sirreessuf carraaqi.

Karaan irra deemaa jirtu milkaaâ€™innatti si geessu fi geessu dhiisu mirkaneefadhu.

Hojii kee keessatti iklaasa erga qabaatte booda, wanta nama balleessu tokko sodaadhu. Inni maaliidha? Of tuuluu/boonudha. Yommuu hojii gaggaarii dhoksaan yookin ifatti hojjattu,sheyxaanni akka gaaraa hojii kee kana guddisee sitti mulâ€™isa. Dandeetti kee qofaan hojii kana akka hojjatte gochuun akka of tuultu si godha. Hojii namoota biroo hojii kee waliin wal bira qabuun isaan gadi xiqqeessuf yaalta. Kuni kaayyoo keetirraa duubatti si harkisa. Sheyxanni haala kanaan namoota baayâ€™ee jallisa. Kanaafu yommuu sheyxanni miira of tuulu sitti hasasu,isarraa Rabbitti mangafadhu,duâ€™aayi godhii,hojii kee badaa fi dogongora kee yaadadhu, hojii kee namoota darban gurguddo waliin wal bira qabuun akka homaa hin hojjaneetitti yaadi. Hanqinna kee waliin koâ€™oomi.

Jireenyi toltuun addunyaa tanaa si hin gowwomsin. Balaqeessa aduu gammoochii kan yeroo dheeraaf hin turreen wal fakkaatti. Kanaafu zikrii(yaadannoo) Rabbii irraa duubatti si hin harkisin. Telefoonni salaata salaatu fi Qurâ€™aana qaraâ€™uu irraa dubatti si hin butin/qabin.

Date Created

September 7, 2016

Author

admin